



特別
 八4
 5095
 4止





84
5095
42

河州交野郡山上村

常福寺惠超

54-1967

翻譯名義集卷第七

小汀文庫



姑蘇景德寺普潤大師

法雲 編

寺塔壇幢篇第五十九



捷稚道具篇第六十

沙門服相篇第六十一

齋法四食篇第六十二

篇聚名報篇第六十三

統論二諦篇第六十四

寺塔壇幢篇第五十九

裕師寺誥云寺是攝十方一切衆僧修道境界法為待一切僧經遊來往受供處所無彼無此無主無客僧理平等同護佛法故其中飲食衆具悉是供十方九聖同有鳴鐘作法普集僧衆同時共受與檀越作生福之田如法及時者皆無遮礙是宜開康遠意除蕩鄙懷不吝身財護持正法西域記云諸僧伽藍頗極奇製隅樓四起重閣三層椽相棟梁奇形雕鏤戶牖垣墻圖畫衆彩梁僧傳云相傳外國國王嘗毀破諸寺唯招提寺未及毀壞夜一白馬繞塔悲鳴即以啓王王即停壞因改招提以為白馬故諸寺立名多取則焉僧史略云鴻臚寺者本禮內夷遠國之邸舍也尋令別擇洛陽西雍門外蓋一精舍以白馬馱經來故用白馬為題寺者釋名曰

寺三

嗣也治事者相嗣續於其內本司名西僧乍來權止公司移入別居不忘其本還標寺號準天人陸玄暢云周穆王時文殊目連來化穆王從之即列子所謂化人者是也化人示穆王高四臺是迦葉佛說法處因造三會道場又云周穆王身遊大夏佛告彼土有古塔可反禮事王問何方答在鄗京之東南也又問周穆已後諸王建置塔寺何為此土文紀罕見答立塔為於前緣多是神靈所造人見者少故文字少傳揚雄劉向尋於藏書往往見有佛經豈非秦前已有經塔或名僧坊者別屋謂之坊也或名精舍者釋迦譜云息心所栖故曰精舍靈裕寺誥曰非龕暴者所居故云精舍藝文類云非由其舍精妙良由精練行者所居也或名道場肇師云修道之場隋煬帝勅天下寺院皆名道場止觀云道場清淨境界治五住糠顯實相米或名蓮

僧坊精舍

道場

蓮社

社者社即立春後五戊日名社群農結會祭以祈穀白虎通曰王者所以有社何為天下求福執土非土不食土廣不可徧敬故封土以立社往生傳云東晉遠法師憩跡廬阜一百二十三人締結方外之遊於是相與而有蓮社之想焉今之以蓮社云蓋其始也

利摩正音

制多羅此云土田淨名略疏云萬境不同亦名為利垂裕云蓋取莊嚴差別名之為利此乃通指國土名利又復伽藍號梵刹者如輔行云西域以柱表刹示所居處也梵語刺勣瑟胝此云竿即幡柱也長阿含云若沙門於此法中勤苦得一法者便當豎幡以告四遠今有少欲人又法華云表刹甚高廣此白塔婆高顯大為金地標表故以聚相長表金利如法苑云阿育王取金華金幡懸諸羅摩垣此云院周招提梵音義云刹上塔寺伍昂羅摩垣小院

提奢唐言四方僧物但筆者訛稱招提此翻別房施或云對面施或云梵言僧鬘此翻對面施

育義云體境交現曰對剎已惠他名施後僧祇魏大武始光元年造伽藍創立招提之名

此云四方僧物律鈔四種常住一常住常任謂眾僧厨庫寺舍眾具華果樹林田園僕畜等以體局當處不通餘界但得受用不通分賣故重言常住二十方常住如僧家供僧常食體通十方唯局本處此二名僧祇物三現前現前如亡五眾輕物也若未羯磨從十方僧得罪若已羯磨望現前僧得罪

阿蘭若

或名阿練若大論翻此二名現前僧物

阿蘭若

遠離處薩婆多論翻閑靜處天台云不作眾事名之為閑無攢閑故名之為靜或翻無諍謂所居不與世諍即離聚落五里處也摩訶云忿競生乎眾聚無諍出乎空閑故佛讚住於阿蘭若應師翻空寂苑師分三

類一達磨阿蘭若即華嚴之初謂說諸法本來
湛寂無起作義二名摩登伽阿蘭若謂塚間處
要去村落一俱盧舍大牛吼聲所不及處三
名檀陀迦阿蘭若謂沙磧之處也磧遷歷切
伽藍 譯為衆園僧史略云為衆人園圃園圃
生植之所佛弟子則生殖道芽聖果也
爛陀 西域記曰唐云施無厭此伽藍南菴沒羅
其稱從其實議是如來昔行菩薩道時為大國
王建都此地憐愍眾生好樂周給時美其德號
施無厭大宋僧傳云那爛陀寺周圍四十八里
九寺一門是九天王所造西域伽藍無如其廣
矣 **菴羅園** 闡義云菴羅是果樹之名其果似桃
歡異以園封之園既屬女女人守護故言菴羅
樹園宿善冥熏見佛歡喜以園奉佛佛即受之

而為 **迦蘭陀** 善見律及經律異相云是山鼠之
所住 **迦蘭陀** 名也時毘舍離王入山於樹下眠
有大毒蛇欲出害王於此樹下有鼠下來鳴令
王覺王感其恩將一村食供此山鼠乃號此村
為迦蘭陀而此村中有一長者居金錢四十億
王即賜於長者之號由此村故所以名為迦蘭
陀長者也三藏傳云園主名迦蘭先以此園施
諸外道後見佛又聞深法恨不以園得施如來
時地神知其意為現災怪怖諸外道逐之令出
告曰長者欲以園施佛汝宜速去外道含怒而
出長者歎喜建立 **林微尼** 或流弥尼或藍昆尼
精舍躬往請佛 **林微尼** 或嵐昆尼此云解脫
處亦翻斷亦翻滅華嚴音義翻樂勝圓處由昔
天女來故立此名新云藍傘 尼此云監即上
古守園 **秣蘇伐那** 西域記云唐言閻林千佛皆
女名

細釋七
四

穿塔波

迦多衍那於**阿奢理貳**西域記云**鷄頭摩**釋鷄
 此製發智論**阿奢理貳**唐言奇持**鷄頭摩**釋鷄
 園引智論云昔有野火燒林林中有雉入**宰堵**
 水漬羽以救其焚纂要云即鷄頭摩寺
波西域記云浮圖又曰偷婆又曰私偷斂皆訛
 也此翻方墳亦翻圓塚亦翻高顯義翻靈廟
 劉熙釋名云廟者鬼也先祖形鬼所在也又梵
 名塔婆發軫曰說文元無此字徐鉉新加云西
 國浮圖也言浮圖者此翻聚相戒壇圖經云原
 夫塔字此方字書乃是物聲本非西土之號若
 依梵本**瘞**佛骨所名曰塔婆後分經佛告阿
 難佛般涅槃茶毘訖訖一切四眾收取舍利置
 七寶瓶當於拘尸那城內四衢道中起七寶塔
 高十三層上有輪相云碎支佛塔應十一層阿
 羅漢塔成以四層亦以眾寶而嚴飾之其轉輪
 王亦七寶成無復層級何以故未脫三界諸有

支提

苦故十二因緣經八種塔並有露槃佛塔八重
 菩薩七重碎支佛六重四果五重三果四二果
 三初果二輪王一凡僧但蕉菜火珠而已△言
 輪相者僧祇云佛造迦葉佛塔上施盤蓋長表
 以人仰望而瞻相也**支提**或名難提脂帝制底
 或翻滅惡生善處雜心論云有舍利名塔無舍
 利名支提文句云支提無骨身者也阿含明四
 支微謂佛生處得道處**舍磨奢那**此云冢西域
 轉法輪處入滅處也**健陀俱胝**義淨云西方名佛
 下上累軌石似窰**健陀俱胝**堂為健陀俱胝此
 堵波但形卑小
 云香**毗訶羅**僧遊履處也謂**滿荼邏**力箇切此
 正名曼荼羅言壇者鄭玄注禮云封土曰壇除
 地曰壇封者起土界也壇之言坦也坦明急

曼荼羅

曼荼羅

五

集更相語知若無沙弥比立亦得打事鈔云悲
尋常所行生推之始必漸發聲漸希漸大乃至
打三通也後因他請方有長打然欲初鳴時當
依經論寔心標為必有感徵應至鐘所禮三寶
聞者並皆雲集共同和利又諸惡趣受苦衆生
令得停息故付法藏傳中罽臚吐王以大殺害
故死入千頭魚中劍輪繞身而轉隨斫隨生羅
漢為僧維那依時打鐘若聞鐘聲劍輪在空中如
是因緣遣信白令長打使我苦息過七日已受
苦即息江南上元縣一民時疾暴死心氣尚暖
凡三日復甦乃誤勾也自言至一殿庭間忽見
先王被五木縲械甚嚴民大駭竊問曰主何至
於斯耶主曰吾為宋齊立所誤殺和州降者千
餘人以冤訴囚此主問其民曰汝何至斯耶其

民具道誤勾之事主聞其民却得生還喜且泣
曰吾仗汝歸語嗣君凡寺觀鳴鐘當延之令永
吾受苦惟聞鐘則暫休或能為吾造一鐘尤善
民曰我下民耳無緣得見設見之胡以為驗主
沈慮曰吾在位嘗與于闐國交聘遺吾一玉瑞
天王吾愛之嘗置於髻受百官朝一日如廁忘
取之因感頭痛夢神謂我曰玉天王寘於佛塔
或佛體中則當愈吾因獨引一匠携於瓦棺寺
鑿佛左膝以藏之香泥自封無一人知者汝以
此事可驗民既還家不敢輒已遂乞見主具白
之果曰寘棺剖佛膝果得之感泣慟蹕遂立造一
鐘於清涼寺鐫其上云薦烈祖孝高皇帝脫幽
出厄以王像建塔葬於蔣山△智興鳴鐘事出
法苑○增一云若打鐘時一切惡道諸苦並得
停止應法師準尼鈔云時至應臂吒捷植應師

釋云梵語臂吒此云打梵語捷槌此云所打之
木或檀或桐此無正翻彼無鐘磬故也音義指
歸斤云祇如梵王鑄鉞汨寺金鐘又迦葉結集
槌槌如銅捷槌豈無鐘耶但天然未知有磬
五分律云隨有瓦木銅鐵鳴者皆名捷地又律
中集僧有七種法一量影二破竹作聲三作煙
四吹貝五打鼓六打捷槌七留諸大德布薩說
戒時到事鈔明入堂法應在門外偏袒右肩歛
手當心攝恭敬意擬堂內僧并同佛想緣覺羅
漢想何以故三乘同法食故次欲入堂若門西
坐者從戶外旁門西頰先舉左腳定心而入若
出門者還從西頰先舉右腳而出若在門東坐
者反上可知不得門內交過若欲坐時以衣自
弊勿露形醜須知五法一須慈敬重法尊人二
應自卑下如拭塵巾三應知坐起俯仰得時四
在彼僧中不為雜語五不可忍事應作默然九

徒眾威儀事在嚴整清潔軌行可觀則生世善
心天龍叶贊華嚴云具足受持威儀教法是故
能令僧寶不斷智論云佛法弟子同住和合一
者賢聖說法二者賢聖默然準此處眾唯施二
事不得雜說世論類於汚家能說雌戲又貴靜
攝不在宜亂誦經說法必須知時成論云雖是
法語說不應時名為綺舍羅四分此云籌五分
語後裔住持願遵斯式舍羅籌極短並五指極
長拳一肘極小不過小指極細不得減著十誦
云為檀越問僧不知數佛令行籌不知沙彌數
行籌數之若人施布薩物沙彌亦得雖不往布
薩羯磨處由受籌故四分為受供行籌通沙彌
也若未受十戒亦得受籌以同受供故業疏三
檀行籌一顯露二覆藏覆三耳語耳事鈔
云今僧寺中有差僧次請而簡客者此僧次翻
名越次也即令客僧應得不得主人犯重隨同

情者多少**隙棄羅**此云錫杖由振持作錫聲
 通是一盜故十誦名聲杖錫杖錫杖錫杖又名
 智杖亦名德杖彰智行功德故聖人之慄懺賢
 士之明記道法之幢根本雜事云比立乞食深
 入長者之家遂招譏謗比立白佛佛云可作聲
 警覺彼即呵呵作聲喧鬧復招譏毀佛制不聽
 遂拳打門家人怪問何故打破我門默爾無對
 佛言應作錫杖茲為不解佛言杖頭安鏤圓如
 二無入聞時即須行去五百問論持錫有多事
 能警惡蟲毒獸等義淨云錫杖都有三分上分
 是錫中木下或牙角也若二股六鏤是迦葉佛
 製若四股十二鏤是釋迦佛製齊稠禪師在懷
 州王屋山聞虎鬪以錫杖解之因成頌云本自
 不求名剛被名求我巖前解二虎障却**刺竭節**
 第二果又鄧隱峯飛錫空中解於二陣

此云扶柶栗橫擔不顧**軍遲**此云瓶寄歸傳云
 人直入千峰萬峯去軍持有二若甃瓦
 者是淨用若銅鐵者是觸用西域記云拈維迦
 即澡也舊云軍持訛略也西域尼畜軍持僧畜
 澡灌謂雙口澡灌專鈔云應法**鉢里薩羅伐拏**
 此云德水羅會正記云西方用上白氎東夏宜
 將密綃若是生綃小蟲直過可取熟綃四尺捉
 邊長挽兩頭刺著即是羅樣兩角施帶兩畔直
 怖帛綃也中安橫杖尺六兩邊繫柱下以盆承
 傾水時罐底須入羅內如其不爾蟲隨水落隨
 地隨盆還不免殺僧祇蟲細者三重漉昆尼母
 應作二重漉水囊若猶有應作三重不得夾作
 恐中間有蟲難出當各作捲逐重覆却方護生
 也根本百一羯磨明五種水羅一方羅用綃三
 尺或二尺隨時大小作二法瓶陰陽瓶也三君

錫杖

九

遲以綃繫口以繩懸沉於水中待滿引出四酌
 水羅五衣角羅但取密綃方一搭手或繫瓶口
 或安鉢中鉢塞莫珠或云阿剎吒迦二合此云數
 瀘水用也鉢塞莫珠木櫛子經云常貫木櫛子
 百八箇常自隨身志心稱南無佛陀南鉢多羅
 無達摩南無僧伽乃過一子具如彼經鉢多羅
 此云應器發軫云應法之器也謂體色量三皆
 須應法體者大要有二泥及鐵也色者熏作黑
 赤色或孔雀咽色鴿色量者大受三斗小受斗
 半中品可知又翻為薄謂治厚物令薄而作此
 器南山云此如周之斗也準唐斗上鉢一斗下
 鉢五升五分云佛自作鉢坯以為後式受時準
 十誦云大德一心念我比丘某甲此鉢多羅應
 量受常用故若捨準衣律云比丘持木鉢佛
 言不應持如是建音鎔音咨母論譯為淺鐵鉢
 鉢此是外道法建音鎔音咨母論譯為淺鐵鉢

今呼為鑊鑊字十誦律云鉢半六鍵鎔小鍵鎔
 四分律云鍵鎔入小鉢小鉢入次鉢次鉢入大
 鉢或作捷茨建俱夜羅此云隨鉢器法寶解
 鎔並梵音輕重云則起筋鍵鎔等
 浮囊五分云自今聽諸比丘畜浮囊若羊皮若
 或齋戶牛膠海船或失吹氣溥身

沙門服相篇第六十一

大益云釋子受禁戒是其性剃髮割截染衣是
 其相道宗鈔云儀即沙門相也剃髮壞衣是體
 即沙門性也無表戒法是僧祇云三衣者賢聖
 沙門之慄懺四分三世如來並著如是衣大品
 明十二頭陀衣有二重一者納衣習論釋云好
 衣因綉故四方追逐隨邪命中若受人好衣則

生親著若不親著檀越則恨又好衣是未得道者生貪著處好衣因緣招致賊難或至奪命有如是等患故受弊納衣法二但三衣智論釋云行者少欲知足衣趣蓋形不多不少故受三衣白衣求樂故多畜種種衣或有外道苦行故裸形無耻是故佛弟子捨二邊處中道北山云憍陳如弊服五錢須菩提華房百寶俱聖人也衡弁終身一初玄景每曙更衣俱高僧也克不克在于我可不可震越應法師云此翻衣服應是不在乎物也震越卧具釋名曰服上曰衣衣依也所以庇寒暑也傳云衣身之章也上曰衣下曰裳白虎通曰衣者隱也裳者障也所以隱形自障弊也涅縵云袈裟具云迦羅沙曳此云如世衣裳障覆形體袈裟不正色從色得名章服儀云袈裟之目因於衣色如經中增色衣也會正云準此本是草名可染衣故將彼草目此

衣服
於裳上

衣號十誦以為數具謂同種席之形四分以為卧具謂同衾被之類薩婆多云卧具者三衣之名大淨法門經云袈裟者晉名去穢大集名離染服賢愚名出世服真諦雜記云袈裟是外國三衣之名名含多義或名離塵服由斷六塵故或名消瘦服由割煩惱故或名蓮華服服者離著故或名間色服以三如法色所成故言三色者律有三種壞色青黑木蘭青謂銅青黑謂雜泥木蘭即樹皮也業疏云聽以刀截成沙門衣不為怨賊所剥故章服儀云條堤之相事等田疇如畦貯水而養嘉苗譬服此衣生功德也佛令象此義不徒然五分云衣下敷破當倒披之在雨中行水入葉中應順披之章服儀云比見條葉不附正儀當馬齒鳥足縫之即須順左右條開明孔不作即同衣縵南山問比見西域僧來多縫衣葉者何答此佛滅後將二百年北天

竺僧與外道同住外道嫉之密以利刀內衣葉
中同往王所外道告王沙門釋子內藏利刀欲
將害王因告檢獲由此普誅一國比丘時有耶
舍阿羅漢令諸比丘權且縫合為絕命難此乃
彼方因事權制非佛所開故義淨云西國三衣
並皆刺合唯東夏開而不縫依律大衣限五日
成七條四日成五條二日成限日不成尼犯隨
比丘突吉羅業疏云若有衣不受持者突吉羅
下二衣有長者開將作從悲華經云佛於寶藏
佛前發願願成佛時袈裟有五功德一入我法
中犯重邪見等於一念中敬此袈裟少分即得三
授記二天龍人鬼若能敬此袈裟少分即得三
乘不退三若有鬼神諸人得袈裟乃至四寸飲
食充足四若眾生共相違背念袈裟力尋生慈
心五若持此少分恭敬尊重常得勝他瓔珞經
云若天龍八部闕爭念此袈裟生慈悲心海龍

王經龍王白佛如此海中無數種龍有四金翅
常來食之願佛擁護令得安隱於是出尊脫身
卓衣告龍王汝取是衣分與諸龍皆令周徧於
中有值一縷之者金翅鳥王不能觸犯持禁戒
者所願必得搜玄引大集王問比丘不能說遂
羞隨地架袋變白法滅盡經云沙門袈裟自然
變白應法師云韻作翳沙音 **僧伽梨**西域記云
加沙葛洪字苑始改從衣 **僧伽梨**僧迦服舊
訛云僧伽梨此云合又云重謂割之合成義淨
云僧迦服唐言重複衣靈感傳云每轉法輪披
僧伽梨南山云此三衣名諸部無正翻今以義
譯大衣名雜碎衣以條數多故若從用為名則
曰入王官聚落時衣乞食說法時著薩婆多論
大衣分三品九條十一條十三條兩長一短名
下品十五條十七條十九條三長一短名中品
二十一條二十三條二十五條四長一短名上品

品會正記問以長增而短少者業疏云法服
敬田為利諸有表聖增而九減也業疏云今準
卜誦加持應云大德一心念我某甲是僧
伽梨若條衣受持長若短若我某甲是僧
云如說大衣下二衣有長者開將作從受持
應加云大德一心念我某甲比立此安陀會二
十五條衣受四長一短割截衣持△三說僧祇
云有緣須捨者具修威儀加法云○大德一心
念我比立某甲此僧伽梨是我**鬱多羅僧**或郁
三衣數先受持今捨衣一若下二我
僧此譚上著衣即七條也南山云七條名中價
衣從用云入眾時衣禮誦齋講時著若受應加
法云此鬱多羅僧七條衣受兩長一短割截衣
持△三說如缺七條開將上下二衣作從加法
例**安陀會**住也安恒羅婆沙此云中宿衣謂近身
上

內行道雜作衣若受應加法云此安陀會五條
衣受一長一短割截衣持△三說如缺五條開
將上二衣作從五分云獨住比立三衣中須有
換易者應具修威儀手執衣心生口言加法云
○菩薩經云五條名中著衣七條名上衣大衣
名眾集時衣戒壇經云五條下衣斷貪身也七
條中衣斷真口也大衣上衣斷癡心也華嚴云
著袈裟者捨離三毒四分云懷抱於結使不應
披袈裟**鉢吒**唐言縵條即是一幅毳無田相者三
裳出家未識割**尼師壇**或尼師但耶此名坐具
年出著此衣**截**或尼師但耶此名坐具
為身為衣為卧具故制畜之長四廣三更增半
槃手者善見云今於縷際外增之△迦留陀夷
身大坐不容故加半槃○十誦云新者二重故
者四重十誦云不應受單者離宿突吉羅戒壇

經云尼師壇如塔之有基也汝今受戒即五分
法身之基也良以五分由戒而成若無坐具以
坐汝身則五分定慧無所從生天神黃瓊云元
佛初度五人及迦葉兄弟並制袈裟左臂坐具
在袈裟下云後度諸眾徒侶漸多年少比立儀
容端美入城乞食多為女愛由是製衣角在左
肩後為風飄聽以尼師壇鎮上後外道達摩多
問比立肩上片布持將何用答曰撥將坐之云
達摩多云此衣既為可貴有大威靈豈得以所
坐之布而居其上云比立白佛由此佛製還以
衣角居于左臂坐具還在衣下但不得垂尖角
如象鼻羊耳等相摩得勒伽云若離宿不須捨
業疏云受應加云大德一心念我比立僧祇支
某甲此尼師壇應量作今受持三鞞塔支
或僧却崎西域記云唐言掩腋舊或名端支正
名僧迦鷄此云覆腋衣用覆左肩右開左合竺

僧祇支

道祖云魏時請僧於內自恣官人見僧偏袒不
以為善遂作此衣施僧因綴於左邊祇支上因
而受稱即偏衫右邊今隱祇支名通號兩袖曰
偏衫今作時須開後縫截領以存元式故也
泥縛些來那舊曰泥代散那西域記唐言裙非
服也集衣為禰△之波切廣雅禰襪也通俗文
曰便縫曰禰○束帶以條禰則諸部各異色乃
黃赤不同釋名云裘舍勒應法師譯云內衣也
群也連接群幅也舍勒半者言舍勒相短似
今短群也小衣論雖不迦絺那明了論云為存
顯於相可類半泥洹也迦絺那略故但言迦提
此翻功德以坐夏有功五利賞德也西域記以
迦提翻昂星昂星直此月故律鈔引明了論翻
為堅實能感實能感多衣衣無敗壞故又名難
活以貧人取活為難捨少財入此衣功德勝如

以須彌大衣聚施也或云堅固又云舊覆古翻
為賞善罰惡衣賞前安居人後安居人不得也
亦翻功德衣以僧眾同受此衣招五刹功德律
中受此衣故畜長財離衣宿背請別眾食食前
食後至他家四分云安居竟應受功德衣則前
安居人七月十六日受至十二月十五日捨四
分云若得新衣若檀越施衣若糞掃衣△四分
云糞掃者則非死人衣○新物撰作淨若已浣
浣已納作淨即日來不經宿不以邪命得應法
四周有綉五條作十隔用袈裟色受捨應鳴鐘
集僧羯磨具 **憍奢耶** 應法師翻蟲衣謂用野蚕
出自恣篇 **憍奢耶** 絲綿作衣事鈔云即黑毛
卧具寧音義云梵云高世耶譯云野蚕綿東天
竺有國名烏陀粳米欲熟葉變為蟲蟲則食米
人取蒸以為綿也如此絲綿者名摩呵跋多此
言大衣衣甚貴即大價之衣感通傳云伏見西

來梵僧咸著布毼具問答云五天竺
國無著蠶衣由此與念著斯章服儀 **屈昫** 此云

大細布緝木綿華心織成其 **睽婆** 此云木綿切劫
色青黑即達磨所傳袈裟

波育 或言劫貝即木綿也正言迦波羅此樹華
樹已北形小狀如上蔡有殼剖 **迦隣陀衣** 細錦

以出華如柳絮可紐以布 **迦隣陀衣** 衣也

兜羅綿 此云霜斯皆從色為名或名如羅綿如
羅樹名綿從樹生因而立稱如柳絮也亦翻楊

華或稱兜羅毼者毛毳也熏聞云謂佛手柔
輒加以合縵 **瞿修羅** 此云圖像從其衣形而立

似此綿也 **瞿修羅** 名若著瞿修羅則不著僧
迦 **尼衛** 此云欽跋羅毛頭鳩羅細布 **芻摩** 此云

鷄 **尼衛** 裏衣 **欽跋羅** 毛頭鳩羅細布 **芻摩** 麻衣

疏云冷暖觸等亦名觸食○言思食者思謂意
思取第六識相應思於可意境生希望故△起
世經云思食者若有衆生意思資潤諸根增長
如魚鰲蛇蝦蟆伽羅瞿陀等及餘衆生以意思
潤益諸根壽命者此等用思爲食熏聞云相應
觸及相應思者皆心所徧行法中也沈疏云思
想飲食令人不死亦名思食○言識食者識即
第八執持之相由前三食勢分所資令此識增
勝能執持諸根大種故△起世經云識食地獄
衆生及無邊識處天等皆用識持以爲其食○
苦約三界辨之段食唯在欲界以色無色無香
味二塵餘之三食徧通三界△中陰但有三食
亦有段食如雜心論云如人中陰還食人中所
食香氣也但現陰麤故多藉段食中陰細故多
藉三食耳○此**僧跋**云即等供之習法也寄歸傳
乃摠叙四食也

跋梵摩難國王經云夫欲施食者皆當平等不
問大小於是佛令阿難辨飯留僧跋僧跋者衆
僧飯皆平等在莊嚴論明尸利總多長者受外
道饗以毒和食請佛及衆佛知令阿難留僧跋
留已方食留已毒散事鈔云况僧食十方普同
彼取自分理應隨喜而人情忌厯用心不等或
有閉門限礙客僧者不亦蚩乎鳴鐘本意豈其
然哉出家捨著尤不應爾但以危脆之身不能
堅護正法假之命不肯遠通僧食違諸佛之
教損檀越之福傷一時衆情塞十方僧路傳謬
後生所敗遠矣改前迷而復道不亦善哉△慳
食獨啖餓鬼之業○或問僧事有限外客無窮
以有限之食供無窮之僧事必不立答曰此乃
鄙俗之淺度瑣人之短懷豈謂清智之深識達
士之高見夫四事之供養三寶之福田猶天地
之生長山海之受用何有盡哉故佛藏經云當

一、心行道隨順法行，勿念衣食所須者。如來白：毫相中一分供諸一切出家弟子，亦不能盡。由此言之，勤修戒行，至誠護法，由道得利，以道通用。寺寺開門，處處同食，必當供足，判無乏少。凡受食時，應作五觀：一、計功多少，量彼來處；二、論云：復次，思惟此食，懇植耘除，收穫蹂治，舂磨洵汰，炊煮乃成，用功甚重，計一鉢之飯，作夫死汗，集合量之，食少汗多，此食作之功，重辛苦如是。入口食之，即成不淨，更無所直。宿昔之間，變為屎尿，本是美味，人之所嗜，變成不淨，德不為屎。屎本自思，惟如此弊，食我若貪，著當隨地獄噉燒鐵丸，從地獄出，當作畜生、牛羊、駱駝，償其宿債。或作猪狗，常取糞除，如是觀食，則生厭想。○二、村已德行，全缺多減，三防心顯，過不逾三毒。四、正事良藥，取濟形苦，五為成道業。世報非意事，鈔食不過三匙，初匙斷一切惡，中匙修

一切善後，起度一切眾生，增一云：多食致苦。患少食氣力衰，處中而食者，如秤無高下。 **通**

沙他 此云齋日，請觀音經疏云：齋者，齊也。齊身

中道法界外，更無別法也。中前得啖，而莽正中，此得明表，前方便，但似道之中，得有證義，故得啖也。亦是表中道法界外，有法也。闡義引祭統云：齋之為言，齊也。齊不齊，以致齋者，也是故。君子非有大事也，非有恭敬也，則小齋不齋，則於物無防也。嗜欲無止也，及其將齋也，防其邪物，訖其嗜欲耳。不聽樂，今釋氏以不過中食為齋，亦取其防邪訖欲，齊不齊之義也。毘羅三昧經瓶沙王問佛何故日中佛食，答云：早起，諸天食日中，三世佛食日西，畜生食日暮，鬼神食佛制斷六趣，因令同三世佛食，故今約理解，故云齋者，祇是中道後，不得食者，即佛制中後，不得食。

也今表初住初地圓證中道心外無法如中後
不食也中前得嗽者佛制中前非正食皆得嗽
之毘婆沙論云夫齋者以過中不食為體以八
事助成齋體共相支持名八支齋法報恩經云
以無終身戒不名優婆塞但名中間人智論問
曰何故六齋日受八戒修福德答是日惡鬼逐
人欲奪人命疾病凶衰令人不吉是故初聖
人教人持齋修善作福以避凶衰是時齋法不
受八戒直以一日不食為齋後佛出世教語之
言汝當一日一夜如諸佛持八戒不過中食云
是功德將人至涅槃如四天王自下觀察衆生布施
齋日使者太子及四天王自下觀察衆生布施
持戒孝順父母少者便上忉利以啓帝釋諸天
心皆不悅說言阿脩羅種多諸天種減少若布
施持戒孝順父母多者諸天帝釋心皆歡喜說
言增諸天衆減損阿脩羅云又提謂經明八王

日何等為八王日謂立春春分立夏夏至立秋
秋分立冬冬至是謂八王日天地諸神陰陽交
代故名烏瞀沙他此云受齋又云增長謂受持
八王日烏瞀沙他齋法增長善根南齊沉約字
休文撰論云人所以不得道者由於心神昏惑
有三一則榮名勢利二則妖妍靡曼三則甘旨
肥濃榮名雖日用於心要無晷刻之累妖妍靡
曼方之已深甘旨肥濃為累甚切萬事云云皆
三者之枝葉耳聖人知不斷此三事故求道無
從可得宜禁絕而此三事是人情所感甚念累
惑本並宜禁絕而此三事是人情所感甚念累
所難遣雖有禁約之旨事難卒從譬於方舟濟
河豈不欲直至彼岸河流既急會無直濟之理
不得不從邪流靡久而獲至非不願速事難故
也禁此三事宜有其端何則食之於人不可顯

息於其情性所累莫甚故以此晚食併置中前
自中之後清虛無事因此無事念慮得簡在始
未專在久自習於是東八支紆以禁戒靡曼之
欲無由得前榮名累累稍從事遣故云往古諸
佛過中不食蓋是遣累之筌第適道之捷徑而
惑者謂止於不食此乃迷於向方不知厥路者
也處處經佛言中後不食有五福一少娼二少
睡三得一心四無有下風五身得安穩亦不作
病四分戒云若比**蒲闍尼**四分律云有五種蒲
立非時食波逸提**蒲闍尼**闍尼此云正食謂麩
飯乾飯魚肉也僧祇云時食謂時得食非時不
得食多論云從旦至中其明轉盛名之為時中
後明沒名為非時今言中食以天中日午時得
食僧祇云午時日影過一髮一瞬即是非時宋
文帝飯僧同衆御于地筵班食遲衆疑將盥不
食帝曰始可中矣生公曰白日麗天天言始中

何得非中遂取鉢便**佉闍尼**四分云五種佉闍
食衆從之帝大悅

枝葉華果**半者蒲善尼**寄歸傳云唐言五
細末磨食

珂但尼此云五爵食謂根莖葉華果等寄歸傳
五則前五隨意噉之今

僧齋後不食果菜是**佉陀尼**或塞茶此
羅應法師據自誓經云鉢和蘭亦梵語輕重耳

佛之餅名佛膳食又西方以佛從天降下王宮
之日供養佛食名佛膳食會正記云即自恣日

食待佛**分衛**善見論云此云乞食僧祇律云乞
比丘

分衛是則論從梵語律謂華言兩說未詳應法
師云訛略正言演茶波多此云團隨言食隨在

師云訛略正言演茶波多此云團隨言食隨在

鉢中也或云復茶夜此云團團者食團謂行乞
食也十二頭陀明常乞食大論釋三種食一受
請食二衆僧食三常乞食若前二食是諸漏因
緣所以者何受請食者若得作是念我是福德
好人故得若不得則嫌恨請者彼為無所別識
不應請者請應請者不請或自鄙薄懊惱自情
而生憂苦是貪愛法則能遮道衆僧食者入衆
中當隨衆法斷事料理僧事處分作使心則散
亂妨廢行道有如是等亂事故受常乞食法輔
行云諸律論文乞食之法不一處足為福他故
令至七家摩法師云乞食有四意一為福利羣
生二為折伏憍慢三為知身有苦四為除去滯
著寶兩經云乞食成就十法一為攝受諸有情
二為次第三為不疲厭四知足五為分布六為
不耽嗜七為知量八為善品現前九為善根圓
滿十為離我執寶雲經明乞食四分一分奉同

梵行者一與窮乞人一與諸鬼神一分自食輔
行云昔有長者名曰鳩留不信因果與五百俱
行遠見叢樹想是居家到彼唯見樹神作禮已
說已飢渴神即攀手五指自然出於飲食甘美
難言食訖大哭神問其故答曰有五百伴亦大
飢渴神令呼來如前與食衆人皆飽長者問曰
何福所致答曰我本迦葉佛時極貪於城門外
磨鏡每有沙門乞食常以此指示分衛處及佛
精舍如是非一壽終生此長者大悟日**怛鉢那**
飯八千僧淘米汁流出城外可以乘舩
此云麩通慧指歸云謂將雜米麩碎蒸曝毋論
二種散麩又將糖蜜持之或言糲備與麩不同
後堂云糲是釜煮連釜硬乾飯也輔篇云取乾
飯麩三過磨篩作之稱爲糲也孟子曰舜糲飯
茹菜糲去久**迦師**後堂云唐言錯麥慈和云北
友乾飯屑也

南泉抄以錯麥為大麥十誦指迦師一物也修陀云此譯
為小麩飯事鈔錯麥與迦師一物也
或云須陀此天食也
既敷座坐已聽維那進止鳴磬後歛手供養一
體三寶徧十方施作佛事次出生飯稱施六道
命若不入觀即潤生死若能知入觀分別生死
有邊無邊不問分衛與清衆淨食皆須作觀觀
之者自恐此身自舊食皆是無明煩惱潤益生
死今之所食皆是般若想於舊食從毛孔次第
而出食既出已心路即開食今新食照諸闇滅
成於般若故淨名云於食等者於法亦等是為
明證△大品經云一切法趣味是趣不過味尚
不可得云何當有趣非趣所言一切法趣味者
味即是食此食即是不思議法界食中含受一
切法食若是有的一切法皆有食若無一切法

皆無今食不可思議故尚不見是有云何當有
趣尚不見是無云何當有非趣若觀食不見趣
非趣即是中道三昧名真法喜禪悅之食而能
通達趣非趣法即雙照二諦得二諦三昧法喜
禪悅之食是名食等○以此食故成般若食能
養法身法身得立即得解脫是為三德照此食
者非新非故而有舊食之故而有新食之新是
名為假求故不得求新不得畢竟空寂名之為
空觀食者自那可食為新既無新食那可得食
者而不離舊食養身而新食重益因緣和合不
可前後分別名之為中只中即假空只空即中
假只假即空中不可思議名為中道又淨名云
非有煩惱非離煩惱非入定意非起定意是名
食法也△什曰一搗食二願食如見沙囊命不
絕也三菜食如地獄無食而活
四識食無色衆生識想相續也

篇聚名報篇第六十三

僧祇明五篇一波羅夷二僧殘三波逸提四提
舍尼五突吉羅四分明六聚開第三偷蘭遮或
明七聚開第七惡說今依事鈔一**波羅夷**僧祇
列釋六聚并無正譯但用義翻
極惡三意釋之一者退沒由犯此戒道果無分
故二者不共住非但失道而已不得於說戒羯
磨二種僧中共住故三者隨落捨此身已隨在
阿尊地獄故四分云譬如斷人頭不可復起若
犯此法不復成比丘故倡云諸作惡行者猶如
彼死屍眾所不容受以此當持戒自古從眾法
絕分義譯名棄目連問罪報經云犯波羅夷罪
如他化自在天壽十六千歲隨泥犁中於人間
數九百二十一億六千歲此隨燄熱地**二僧**
獄以人間一千六百年為他化天一晝夜

伽婆尸沙

善見云僧伽者為僧婆者為初謂僧
前與覆藏羯磨也言尸沙者云殘謂

未後與出罪羯磨也若犯此罪僧作法除故從
境為名毘尼母云僧殘者如人為他所斫殘有
咽喉故名為殘理須早救僧伽婆尸沙罪如不
憍天壽八千歲於人間數二百三十億四十千
歲此墮大大叫地獄人**摩那埵**論云秦言意喜
間八百年為天一日夜**阿浮訶那**善見翻為喚入眾羯磨
亦生慚愧亦**阿浮訶那**或名拔除罪根母論云
使眾僧歡喜**三偷蘭遮**善見云偷蘭名大遮言障
清淨戒生**三偷蘭遮**善道後隨惡道體是鄙穢
從不善體以立名者由能成初二兩篇之罪故
也明了論解偷蘭為養遮那為過養有二種一
是重罪方便二能斷善根所言過者不依佛所
立戒而行故言過也偷蘭遮罪如梵率天壽四

千歲於人間數五十億六十千歲此隨四波逸

提義翻為燒煮八寒黑暗等通為覆障波逸提罪

如夜摩天壽二千歲於人間數二十一年一億四十

尼薩耆

出要律儀舊翻捨隨聲論尼翻為盡薩耆為捨四分僧有百二十種分取三十

因財事生犯貪慢心強削五波羅提提舍尼

捨入僧故名尼薩耆也

向波悔從對治境以立名僧祇云此罪應發露

也提舍尼罪如三十三天壽命千歲於人間數

三億六十千歲此隨黑繩地六突吉羅善見云

獄人間一百年為天一晝夜

也吉羅耆作也聲論正音突悉吉栗多四分律

本云式又迦羅尼義翻應當學胡國訛云尸又

罽頰尼胡僧翻守戒也此罪微細持之極難故

隨學隨守以立名十誦云天眼見犯罪比立如

分此一部以爲二聚身名惡作口名惡說多論

問何此獨名應當學答餘戒易持罪重此戒難

持易犯常須念學故不列罪名但言應當學犯

統論二諦篇第六十四

突吉羅衆學戒罪如四天王壽五百歲隨泥犁

中於人間數九百千歲此隨等活地獄人間五

十年下天一晝夜俱舍頌云等活等上六如次

以欲天壽爲一晝夜壽量亦同彼極熱中半劫

無間中劫全傍生極一中鬼日月五百額部陀

壽量如一婆訶麻百年除一晝後後倍二十

故泐流而究原辨佛陀僧伽之號解菩提般若

教傳東土煉襟法本西域伽之號解菩提般若

依

之名隨機之語雖曰無邊旨歸之意唯詮二諦
 今就集末略開七門 一原宗 二釋名
 三辨義 四示體 五釋相 六境智 七勸
 誠 一原宗者中觀論云諸佛依二諦為眾生
 說法一以世俗諦二第一義諦良以佛之說法
 語不徒然九所立言咸詮實理故聞法者悉有
 所證以依二諦為機說故如大論云有二種眾
 生一者知諸法假名二者著名字為著名字眾
 生故說無相為知諸法假名眾生故說世諦是
 以世俗顯緣起之事諸法歷然故佛事門中不
 捨一法勸臣以忠勸子以孝勸國以治勸家以
 和弘善示天堂之樂懲非顯地獄之苦此依俗
 諦也真諦彰本寂之理一性泯然所以實際理
 地不受一塵是非雙泯能所俱亡指萬象為真
 如會三乘歸實際此依真諦也 二釋名者此二
 諦法就能詮名談真則逆俗順俗則非真以真

是實義審實是真俗是假義審假是俗故涅槃
 云出世人所知名第一義諦世人所知名世諦
 此山錄云會極損情之謂真起微涉動之謂俗
 真也者性空也俗也者假有也假有之有謂之
 似有性空之空謂之真空此約事理對釋昭明
 太子云真諦離有離無俗諦即有即無即有即
 無斯是假名離有離無此為中道此約中邊判
 釋也 三辨義者宗鏡問曰一心二諦理事非虛
 證理性而成真審事實而為俗皆具極成之義
 不壞二諦之門大小二乘同共建立如何是極
 成之義答所成決定不可移易隨真隨俗各有
 道理瑜伽論云一有世間極成真實二道理極
 成真實世間極成真實者謂一切世間於彼彼
 事隨順假立世俗慣習悟入覺慧所見同性謂
 地唯是地非是火等乃至苦唯是苦非是樂等
 樂唯是樂非是苦等以要言之此即如此非不

如此是即如是非不知是決定勝解所行境界專
一切世間從其本際展轉傳來想自分別共所
成立不由思惟籌量觀察然後方取是名世間
極成真實道理極成真實者依止現比及至教
量極善思惟擇決定智所行所知事由證成道
理所建立所施設義是名道理極成真實。四示
體者二諦之法明所詮體如昭明云世人所知
生法為體聖人所知不生為體從人雖異其體
不殊故荆溪云祇點一法二諦宛然俗則百界
千如真則同居一念又起信云摩訶衍者摠說
有二種云何為二一者法二者義此以一法而
分二義談實相不壞於假名論差別不破於平
等昭明云真即有是空俗指空為有宗鏡云俗
諦不得有有常有空真諦不得有空空但徹
有故十疑論注云說相而萬法森羅實無所得
談性而一如寂滅不礙隨緣真是俗家之真萬

法自泯俗是真家之俗一性恒殊以不壞假名
故則彼此生滅差別以說諸法實相故則彼此
生滅自亡祇於不一而明不二故仁王云於解
常有一智照常通於諦常有二聖人於真見真了
達此一二真入聖義諦故古德云二諦並非雙
恒乘未曾各二雙顯泯中謂非真非俗一雙孤
鴈掠地高飛兩箇鷓鴣鴛池邊獨立又先德云真
俗雙泯二諦恒存空有兩亡一味常現是知各
執則失互融則得各執則失者如云有為雖偽
捨之則大業不成無為雖空住之則慧心不朗
互融則得者如云雖知諸佛國及以眾生空而
常修淨土教化諸眾生故十疑論注云聖人得
其意也於隨緣處而談不變於成事處而說體
空故荆溪云應知萬法是真如由不變故真如
是萬法由隨緣故此等明文皆論真俗之體一
也。五釋相者妙玄云取意存略但點法性為真

諦無明十二因緣為俗諦於義則足但人心
淺不覺其深妙更須開拓則論七種二諦釋籤
解云然此七文散在諸經無一處具出唯大經
十二列八二諦章安作七二諦銷之初一是摠
餘七是別經云出世人心所見者名第一義諦
世人心所見者名為世諦疏云摠冠諸諦世情
多種束為世諦聖智多知束為第一義諦即是
諸教隨情智也經云五陰和合稱名某甲是名
世諦解陰無陰亦無名字離陰亦無是名第一
義諦疏云名無名即生滅二諦△妙玄云實有
為俗實有滅為真○經云或有法有名有實是
名第一義諦或有法有名無實是名世諦疏云
實不實即無生二諦△妙玄云幻有為俗即幻
有空為真○經云如我人眾生命知見乃至
如龜毛兔角等陰界入是名世諦若集滅道是
名真諦疏云定不定二諦即單俗復真△妙玄

云幻有為俗即幻有空不空共為真○經云世
法有五種謂名世句世縛世法世執著世是名
世諦於此五法心中二諦也△妙玄云四者幻有為
俗幻有即空不空一切法趣空不空為真○經
云燒割死壞是名世諦無燒割死等是名第一
義諦疏云燒不燒復俗單中也△妙玄云幻有
幻有即空皆名為俗不有真空一切法趣不有
八種苦是名世諦無八種苦故是第一義諦疏
云苦不苦二諦亦是復俗單中△妙玄云幻有
幻有即空皆名俗不有真空一切法趣不有
空為真○經云譬如一人有多名字依父母生
是名世諦依十二因緣和合生者名第一義諦
疏云和合二諦真俗不二復俗復中也△妙玄
云幻有幻有即空皆為俗一切法趣有趣空趣
不有真空為真又云若略說者界內相即不相

即界外相即不相即四種二諦也別接通五也
圓接通六也圓接別七也天台遂明四正三接
之教法○六境智者起信鈔問云境智為一為
異答云智體無二境亦無二智無二者只是一
智義用有殊約知真處名為真智約知俗處名
為俗智境無二者謂色即是空為真境空即是
色為俗境由是證真時必達俗達俗時必證真
了俗無性即是真空豈有前後耶况無心外之
境何有境外之心是即心境渾融為一法界○七
勸誡者大經云所言二諦其實是一方便說二
如醉未吐見日月轉謂有轉日及不轉日醒人
但見不轉不見於轉謂一不轉言二非二當以
智解勿以情執故佛告阿難自我性昔作多聞
士共文殊師利淨二諦義死隨三塗經無量劫
吞熱鐵丸從地獄出值迦葉佛為我解釋有無
二諦迦葉佛言一切諸法皆無定性汝言有無

是義不然一切萬法皆悉空寂此二諦者亦有
亦無汝但知文不解其義當知二諦俗諦故有
真諦故無體不思議奚可偏執學佛教者當離
情想故佛藏云刀制害閻浮提人其罪尤少以
有所得心說實相法其過弥甚當知佛法不思
議唯教相難解幸冀後賢於佛聖教研精覃思
勿廢略焉

翻譯名義續補

初編集時意向簡略或失翻名或缺解義後因
披閱再思索之復述續補後賢詳悉補十號篇
明行足具足三明及六神通智論云一如意二
天眼三天耳四他心五識宿命通六無
漏通言神通者易曰陰陽不測之謂神寂然不
動感而遂通瓊瑤云神名天心通名慧性天然

之慧徹照無礙故名神通一如意者有三種能
到轉變聖如意能到復四一身飛行如鳥無礙
二移速令近不往而到三此沒彼出四一念能
至轉變者大能作小小能作大一能作多多能
作一種種種物皆能轉變自在無有久近聖如意
七日諸佛及弟子轉變自在無有久近聖如意
者外六塵中不可愛不淨物能觀令淨可愛淨
物能觀令不淨是聖如意法唯佛獨有天眼通
者於眼得色界四大造清淨色是名天眼天眼
所見自地及下地六道眾生諸物若近若遠若
窺若細諸色無不能照是天眼從修得非報得何
得二從修得是五道中天眼從修得非報得何
以故常憶念種種光明得故云大耳通者於耳
得色界四大造清淨色能聞一切聲天聲人聲
三惡道聲云何得天耳通者本事常憶念日月年
是名天耳通識宿命通者

歲至胎中乃至過去世中一世十世百世千萬
億世乃至大阿羅漢辟支佛知八萬大劫諸大
菩薩及佛知無量劫是名識宿命通知他心通
者知他心若有垢若無垢有觀心生住滅時常
憶念故得復次觀他人喜相嗔相怖相畏相見
此相已然後知心是為他心智無漏通者如來
莊嚴入一切佛境界經云言無漏者謂離四漏
謂欲漏有漏無明漏見漏以不取彼四種漏故
乃名遠離諸漏智論問神通與明有何等異答
直知過去宿命事名通知過去因緣行業名明
宿命直知死此生彼名通知行因緣際會不失名
天眼直盡結使不知更生不生名通若知漏盡更
不復生名**佛陀**摩訶曰佛者何也蓋窮理盡性大
覺明也其道虛玄固已妙絕常
境心不可以智知形不可以像測同萬物之為
而居不為之域處言數之內而止無言之御非

六即二字

六即之頌
香平於
鳥切
深之香實

有而不可為無非無而不可為有寂寞虛曠物
莫能測不知所以名故強謂之覺其為至也亦
以極矣何則夫同於得者得亦得之同於失者
失亦失之是以則真者同真法偽者同偽如來
冥照靈諧一彼實相實相之相即如來相
無機子叙六即佛曰 凝禪任性濫上聖以矜
高狂慧隨情居下九而自屈由是天台智者祖
師明六即佛破二種見棟其大過六分因果之
事殊收彼不收即顯聖凡之理等沉生死海如
實在暗而不失升涅槃山猶金出鑛以非得不
一不異其道融通無是無非此智圓妙今述鄙
頌式讚大猷庶幾見聞咸得開悟云爾

一頌理即佛

二頌名字即佛

動靜理全是行藏事盡非
真真隨物去杳杳不知歸
方聽無生曲始聞不死歌
今知當體是翻恨自蹉跎

對玉日來何切蹉跎過之
院玉日達何切蹉跎不及也

三頌觀行即佛

念念照常理心心息幻塵
徧觀諸法性無假亦無真

四頌相似即佛

四住雖先脫六塵未盡空
眼中猶有翳空裏見華紅

五頌分真即佛

豁爾心開悟湛然一切通
窮源猶未盡尚見月朦朧

六頌究竟即佛

從來真是妄今日妄皆真
但復本特性更無一法新

續無量壽

智論云無量有二一者實無量諸聖
人所不能量如虛空涅槃眾生性是

不可量二者有法可量但力劣者不能量如須
弥山大海水斤兩滴數多少諸佛菩薩能知諸
天世人所不能知故言無量是故天台乃立四
句實有量而言無量彌陀是也實無量而言量
如此品及金光明是也實無量而言無量如涅槃
云唯佛與佛其壽無量是也實有量而言量

如八十唱滅是也又以三身對九立四句故法
 華疏云復次法身非量非無量報身金剛前有
 量金剛後無量應身隨緣則有量應用不斷則
 無量通途詮量三句在聖一句屬凡有量無常
 郁非**擊濕佛羅跋那**翻自在**迦羅鳩村馱**此翻
 佛義斷此**譯師**唐太宗焚經臺詩門徑蕭蕭長
 二佛已斷此**譯師**綠苔一回豈此一徘徊青牛謾
 說函關去白馬親從印土來確實是非憑烈焰
 要分真偽築高臺春風也解嫌狼藉吹盡當年
 道教灰唐義淨三藏題取經詩曰晉宋齊梁唐
 代間高僧求法離長安去人成百歸無十後者
 安知前者難路遠碧天唯冷結沙河遮日力
 疲彈後賢如未諳斯旨往往將經容易看
 類**提和越**漢言天地易曰天地設位而易行乎
 其中矣繫詞云易與天地準故能弥

論天地之道仰以觀於天文俯以察其地理白
 虎通曰天之為言鎮也居高理下為人鎮也地
 者易也言生萬物也**迦留波陀天**此言象跡實多
 懷任交易變化也
羅此翻**摩偷**此翻美地此三天名**五無間業**瑜
 羅漢四破僧五出佛身血**尸利夜神**此翻**盜**
哦囉迦此翻**部**引**陀**此翻**勿哩訶娑跋底**此翻
 餘乃以室折囉此翻**忒羯羅**此云**佉勒迦**著穀
 勿伽此云胡豆**塞畢力迦**此云昔菴漢書云**薩**
 閣羅婆或薩折羅婆**那羅陀**那羅正云捺羅此
 此翻白膠香

解脫

此云持也其華香妙人未利此翻黃色華巨磨皆佩之故名持華也
此方翻阿提目多加宗鏡引攝論云昔勝本來為牛糞阿提目多加是炭多時埋在地中變為昔勝西方若欲作塗身香油先以華香取昔勝子聚為一處淹令極爛後取昔勝壓油油遂香也解脫摩曰縱生無礙塵累不能拘解脫也什或巨細相容變化隨意於法自在解脫無礙故名解脫又曰心得自在不為不能所縛故曰解脫薄名疏云一真性二實慧三方便故經云諸佛菩薩有解脫名不思議若菩薩住此解脫者能以須彌之高廣內芥子中乃至種種變現莫測即是三種解脫不思議義何者諸菩薩有解脫即是真性若菩薩住此者即是實慧能以須彌內於芥等即是方便大品云心得好解脫慧

智度

得解脫垂裕云心
脫是俱慧脫是慧
智度什曰窮智之原故稱

方便

方便什曰智度雖以明照為體成濟萬行比其功用不及方便為父梵音中有父義方便

有二種一解深空而不取相受證二以實相理深莫能信受要須方便誘引羣生令其漸悟方便義深而功重故為父也淨名疏云方是智所詣之偏法便是菩薩權巧用之能巧用諸法隨機利物故云方便荆溪云法華疏中為顯實故分為三釋謂法用及門并秘妙也今此廢二但取法用者門論趣入秘妙開權令未開權故缺後釋不取門者菩薩可入二乘缺之於菩薩中且約當分復置傳入故且不云據理亦今用門一意以當分入與法用同故且唯用法用一意又通秘教亦可具足用彼三意論法華方便品儒詩六義以思無邪為指歸釋教五時開

佛知見是究竟識一化之高會真諸佛之宗極
似太虛而含衆色若激漉以納羣流由是管窺
義天蠡酌法海粗研味乎真詮豈塵露于達士
初辨品題次論号義初辨品題者經云諸佛法
以後要當說真實文既屏其方便題應號為真
實安以權名而立今品如將懸額以榜州門又
佛起定即自曾言諸佛智慧甚深無量此乃雙
歡權實先達遂云此華不有則已有則華果雙
含此經不說則已說則權實雙辨經既雙明權
實題那單標方便由此疑與先達相繼共立七
義以伸題意一權有顯實之功法王初化機緣
未熟隱實施權權掩於實靈山妙唱普會權乘
決了聲聞法是諸經之王彼秘被開於今成妙
此權既有顯實之功故結集家號善權品二名
偏義圓告標真實則違方便今品權名雖偏其
實法體圓具乃彰權實之雙美三名體俱不轉

題方便

此有四句一名轉體不轉如云正直捨方便但
說無上道乃至第四名體俱不轉如云我等今
者真是聲聞名不轉故名方便品四顯開權絕
待法華開權顯實權外無實法用能通當體秘
妙若標真實但成相待為彰絕待之功號方便
品五彰詮迷之教祖云自非今經誰肯歎此詮
迷之教由指迷染之心即是自行方便則知此
權大有詮迷之力六施開一致昔時所施既施
即實之權今日所開還開權即是實乃見施開
之不二也七揀異昔經淨名報恩雖皆立方便
之名既是體外之權豈同今品同體方便自昔
所說不出此七先師謂舊翻縷義失至當自立
附文原意二義以伸品題一附文者經家立品
附文旨趣揔別須分何哉五字首題法則權實
揔標喻乃華果雙舉所以三周開顯本迹二門
一部之文並皆不出權實之法今品若更雙立

附文

原意

權實之目則與揔題無異二原意者言者所以
在意此經開權顯實意在於權故云過去諸佛
以無數方便種種因緣種種譬喻而為衆生演
說諸法是法皆為一佛乘故非權無以明實故
今機緣即於權法以曉真實故曰不指所開無
由說實具述施權意在開也故記主釋開方便
門示真實相云示謂指示指其見實之處且見
實之處在何在前偏權方便今日說此方便有
真實相此既即實之方便乃異昔經之方便故
得秘妙之名是故經家題名方便纔言方便即
是真實故身子疑云何故殷勤稱歎方便則知
方便真開權之揔號誠顯實之大名矣或者問
曰今由開權稱方便者淨名既未開權安稱方
便既稱方便權何不開答彼經言方便者疏云
此品正明助佛闡揚善巧權謀隨機利物令入
慧起根故名方便雖言方便機緣當座烏知所

法用

證亦方便焉故昔方便之名權未開矣次論品
義者吾祖預釋品題乃立法用能通秘妙三種
方便今先進示然後別解且通示者此三方
初二從昔教後一屬今經初名法用者疏曰方
者法也便者用也法有方圓用有差會三權是
矩是方一實是規是圓記云初約能用三教得
名法是所用用是能用雖法之與用俱通四教
但有方圓差會之殊故方便之稱從權立名權
不即實故對昔辨成體外權非今品意文中舉
圓以屬真實相對來耳二名能通者疏云又方
便者門也門名能通通於所通方便權略皆是
弄引為真實作門真實得顯功由方便從能顯
得名記曰次第二釋權屬能通三教亦得名為
方便然雖不即以能為圓作遠詮故所詮之圓
亦帶能詮為方便故故知並非今品意也又云
今以三詮一三為一實作詮故三名能詮是則

能通

秘妙

前之三教教行人理悉為能詮又云不破不即
從權入實故得修名若於爾前二味三教利根
菩薩有顯露得兩教二乘唯秘密得由得入故
即稱為門三名秘妙者疏云方者秘也便者妙
也妙達於方即是真秘點內衣裏無價之珠與
王頂上唯有一珠無二無別指客作人是長者
子亦無二無別如斯之言是秘長妙如經唯我
知是相十方佛亦然止止不須說我法妙難思
故以秘釋方乃三權即是一實指此即實之權方
第三釋方乃三權即是一實指此即實之權方
名今經方便又云第三釋者即今品意但前二
釋於昔但得名偏名門秘而不說今開其偏門
即圓所也故云秘妙顯露彰灼故云真秘或問
妙樂記云即權而實為所依體即實而權為當
體體不審第三秘妙之名為從所依立號為從
當體得名答此由當體即所依體故云彼秘被

別教

開於今成妙又云第三文者亦開前二非能非
所及以能通並開成所所中善巧名為方便故
妙方便異於方法及能通門又云故隔偏之圓
亦有體內方便故名秘妙秘妙之名似同第三
然其意則別何者第三乃以顯為妙此中乃
以獨圓為妙此揀今昔秘妙義異諦思吾祖崇
建三釋若無初二豈彰為蓮故華以施權苟缺
第三烏顯華開蓮現而顯寶體徧一化妙彰七
軸非發摠持誰習斯義鑽仰堅高嗟歎不足次
別釋者若約部教初二屬昔教法用能通皆異
體權後一屬今經秘妙方便名同體權定此秘
妙方便破顯之相先德彛訓或定為所破或執
是所顯天竺一宗論同體權定為所破一據蓮
華開喻原佛出世意為顯實由機未堪權施昔
教此譬桃李華也及至法華法既純圓絕妙遂
指蓮華而立三喻一為蓮故華譬為實施權蓋

通釋

三

四時未說施權此各異體今無量義既言從一
清淨道施出二三四收昔異體為今同體權既
從實而施故譬為蓮故華第二華開蓮現此開
初句之權華乃顯次句之蓮實故五佛章中各
有開權顯實二科開權是文叙昔教以為顯實
之所故無量義經之同體為今法華之所以破第
三華落蓮成此譬發權立實都廢序分即實之
權獨立正宗即權之實次憑權暫用義權名權
暫用已還發實名實錄究竟指歸則知十隻之
權皆為所破如心意識既定是事權豈屬所顯矣
三準祖師定解如輔行云解同體之權譬與實
相之明珠又義例云如引法華部唯一實文叙
昔教以為所開既云部唯一實故同體權為所
破也△近人又謂從名雖開從義不開如圓家
破即法性之無明例今品開即實之權耳○余
觀先德破同體權一迷立喻二昧開權初迷立

破十法之破之身二共

喻者為蓮故華如大師云為十妙故開出十麤
如為蓮故華此約法體用在於昔皆屬麤法云
何一槩以為蓮故華俱喻妙法乃見能譬立喻
淆混其次所况為實施權始自華嚴然乎般若
皆是隔歷三諦俱為法華之實而施四時三教
之權故名為實施權若獨以此句喻無量義經
則彰所喻法缺略矣二昧開權者四時三教體
外化他機未純淑覆權言實故非究竟屬異體
麤至今方指昔未真實執教偏情既遣即知當
體本妙開此化他之法全是自行之權權實不
二乃各同體故祖師云既顯實已全權是實不
可謂之權非究竟況祖師云誰肯以三界有漏
識心而為佛所稱讚既佛所讚安非所顯次定
所顯者南屏一宗皆謂世尊疇昔久轉法輪所
化之機既雜所施之教不一雖說三教不言此
是即實之權雖演圓乘未云斯是即權之實權

臨釋卷二

三十一

實各逗大小相隔是故昔教名異體權後會靈
山宣妙法華開昔隱秘之法為今微妙之教權
實圓融故名同體法既窺妙相即佛化事理俱
圓若為所破乃成開妙故記文云第三釋者中
開前二非能非所及以能通並開成所可證秘
妙非所開矣其如蓮華三喻輔行等文復有五
師消釋義其一云對論自論有殊若約偏圓相
對異體是所破同體是所顯例前三教三惑須
斷圓教三惑不斷就圓自論須斷四十二品故
同體權亦屬所破今謂偏圓對論前二名權圓
教屬實那得對論却以圓教名同體權不須破
耶又今開權顯實開偏是圓正當偏圓對論反
以蓮華三喻謂之圓教自論破同體權却顯今
經都無開權之力乎二云機情佛意機情雖開
異體佛意即是同體今謂誇飾准在今經佛意
非適今也據此祖意對機開顯雖句法華原佛

密意俱徧四時是則機情佛意正約昔說若約
昔義以斷今經其猶欲至湖南面行塞北其心
雖切路愈遠矣三云法本自妙麤由物情雖開
異體之權其實法體本自微妙即是同體今謂
如記主云但開其情理自復本又云開何所開
即彼能覆既但破能覆之情奚嘗開所迷之法
四云約開竟說以輔行解同體之權譬既點迹
門流通之經此約已開異體成同體竟今請安
樂行品文雖在後喻乃顯前特點正宗開麤顯
妙斯言無旨徒虛語耳五云同體為所開者意
彰異體亦不可破此語孟浪吾驚怖其言猶河
漢而無極也今覈昔人由昧山家諸師文義致
論開權詞繁理寡今鱗比諸文令水泮凍釋殊
途同歸初釋喻舊辨蓮華或專喻妙或兼比麤
△餘華對辨則蓮華俱妙就蓮自分華亦兼麤
○今究所喻既行權實乃顯能喻亦通兼妙今

先分於喻權實後辨能喻麤妙分權實者提挈
 剛要大有五義一因果二力一三今昔四真俗
 五本迹初因果分者以十界中前七如是屬因
 是權果報二如是為實二九一分權實妙玄云
 餘華麤喻九法界十如是因果此華妙喻佛法
 界十如是因果三約今昔分者以昔為權將今
 為實故妙玄云一為蓮故華譬為實施權雖說
 種種道其實為佛乘四約真俗分者空智照真
 為實假智照俗為權中智雙照為亦權亦實中
 道雙亡為非權非實故妙玄云以對昔故須為
 四句通論大剛法相雖爾別論今品唯在第三
 亦權一半名方便品五約本迹分者如私序云
 指久遠之本果喻之以蓮會不二之圓消譬之
 以華權實雖通五義今唯約界及與部教以論
 開權矣次明能喻麤妙者玄義序乎蓮華一為
 蓮故華譬為實施權二華敷譬開權蓮現譬顯

實三華落譬廢權蓮成譬立實當歷三喻引而
 伸之且夫蓮華之喻唱出今經本况妙法而大
 台以初為蓮故華一句既譬為實施權約此法
 體用在昔時華喻麤法故妙玄云又諸教權實
 未融為權既融開權顯實為實由昔赴機權掩
 於實乃云異體由是今經破此偏情乃云雖說
 種種道其實為佛乘世尊既談為實施權吾祖
 遂立為蓮故華之喻據此說在今經纔言為實
 施權利根便知此權即實由無量義曾聞此權
 從實生故已破異體之見但未開顯其根須假
 第二句華敷譬開權蓮現譬顯實故曰開方便
 門示真實相記主釋曰指實為權權掩於實名
 方便門閉今指權為實於權見實名方便門開
 此點法用能通俱成秘妙三華落譬廢權蓮成
 譬立實又云正直捨方便但說無上道此由四
 時三教當體秘妙開已無外麤法不存義當於

廢約法雖開廢同時約喻乃先開後廢故分三句彰始終之有序二釋經云開方便門示真實相昔人引證開同體權須曉祖師二處引用疏證能通方便此取門義從前三教能通之門入於圓所故曰開方便門記主遂云於昔但得名偏名門非謂於彼已明開門若亥義中證開權者既於方便即見真實故以此證開權相焉三釋輔行解同體之權髻與實相之明珠山安樂行約王賞賜喻佛授道昔機與魔共戰微有其功但賜禪定解脫之法如賞田宅法華大破魔網至一切智如王解髻明珠賜之昔時權掩於實如髻覆珠就機不知是權喻異體開今經赴機指昔三教權法全是秘妙方便故決聲聞之法即是諸經之王經既以王喻佛約佛開異體時無非同體故曰解同體之權髻矣四釋義例如引法華部唯一實文叙昔教以爲所開天竺

引此部唯一實證破同體今謂所叙麤法既點爲妙權實相即能所圓融故謂法華唯一實耳五釋科目五佛章門皆有開權顯實二科前四則先開權次顯實今佛乃先顯實次開權天竺乃謂開權是文叙昔教顯實乃破同體權今謂纔開權時意已顯實但約說次第開權言未顯實顯實方曉開權立言垂範遂分二科故法明講主云言無並出語不煩施珠有旨哉余慕法王之遺教學而時習之遂括古今之論以究權實之道雖不足品藻洞流庶亦無乖商權編贈後賢願刹摩之此云土田嬰各云土名賢聖所居開佛慧刹摩之處天台釋維摩佛國云諸佛利物無量無邊今略爲四一染淨國九聖共居二有餘國方便人住三果報國純法身居即因陀羅網無障礙土四常寂光即妙覺所居四上之名雖出智者四土之義本載經論今伸遺教略

去田

開七 初憑文 二釋名 三辨義 四定體

初憑文者維摩經云隨所化衆生而取佛土隨諸衆生應以何國入
佛智慧隨諸衆生應以何國起菩薩根天台釋云若對四土宛然相似若別出者思益經云東方之國佛號日月光有菩薩梵天曰思益白佛我欲詣娑婆世界佛言便往汝應以十法遊於彼土斯乃淨聖來遊穢土又智論云穢土先施三乘後顯一乘安養是二有餘土如法華云我於餘國作佛更有異名智論云有淨佛土出於三界乃無煩惱之名於是國土佛所聞法華經三果報土如仁王云三賢十聖住果報唯佛一人居淨土四常寂光普賢觀云釋迦牟尼名毘盧遮那其佛所住名常寂光二釋名初曰染淨同居者染淨

○觀名下
同居土

三種染淨

三種一迷悟分九界迷逆名染佛界順悟名淨如妙樂云相約隨緣緣有染淨又不二門云法性之與無明徧造諸法名之為染無明之與法性徧應衆緣名之為淨二情理分不二門云故知剎那染體悉淨指要云今之染淨約情理說三九聖分淨名疏云六道鄙穢故名染三乘見真故名淨三六共住染淨同居問不二門云一理之內而分淨穢別則六穢四聖通則十進淨穢然此染淨淨穢文心解云染淨從迷悟體用而言淨穢約九聖界如而辨今謂淨名染淨正約九聖而分云何淨覺却云淨穢約九聖界如而辨又垂裕云染淨之名約正淨穢之名約依二土九聖共居通名染淨此土砂礫充滿別受穢名彼土金寶莊嚴別受淨名今謂淨名疏云四趣共住名穢無四惡趣名淨此從正報立依報名云何孤山却云染淨之名約正淨穢之名

九居二
聖居二

約依當知染淨從九聖之心以立名淨穢約依
正之境而標号問既從染淨立同居名還許亦
從淨穢立同居乎答染淨淨是通名淨穢是別号
故垂裕云此方即染淨穢土安養即染淨淨土
故知同居正從染淨而立若從通義加淨名中
身子見穢梵王見淨乃是娑婆淨穢同居又婆
沙云若人種善根疑則華不開信心清淨者華
開即見佛此是安養淨穢同居雖通此義名非
正立此染淨土亦名九聖同居故淨名疏云染
即是九淨即是聖如疏文云九聖各二九居二
者一惡眾生即四趣也二善眾生即人天也聖
居二者一實二權實者四果及支佛通教六地
別十住圓十信通惑雖斷報身猶在二權聖者
方便有餘三乘受福真法性身為利有緣願生
同居若實報及寂光法身菩薩及妙覺佛為利
有緣應生同居皆是權也此等聖人與九共住

方便土
名方便土
三義

故名九聖同居二方便有餘土言方便者如禪
門云善巧修習故名方便此有三義一真中淨
名疏云二乘三種菩薩證方便道之所居也輔
行云所以在方便者並屬空邊二真似妙玄云
別圓似解未發真修皆名作意三偏圓妙樂云
並以三教而為方便雖通三義正從證真立方
便名言有餘者觀經疏云無明未盡故曰有餘
淨名疏云若修二觀斷通惑盡恒沙別惑無明
未斷捨分段身而生界外受法性身即有變易
所居之土名有餘國亦名果報如輔行云通有
由因感果之報未入實報又云今文且說偏空
偏假所感之報則不如初住已上居果報土又
名法性如智論云受法性身非分段生三果報
土淨名疏云報身所居依報淨國名果報土輔
行云言果報者從報果為名亦号實報觀經疏
云行真實法感得勝報淨名疏云以觀實相發

方便亦名

果報土

亦名實報

亦名妙報
亦名勝妙報

亦名三障等

亦名

亦名果報

真無漏所得果報故名為實亦名妙報如輔行
云惟有別圓初地初住獲妙果報又名勝妙報
如止觀云違即二邊果報順即勝妙果報亦名
無障礙觀經疏云色心不相妨故曰無障礙淨
名疏云一世界攝一切世界一切世界亦如是
此名世界海亦名世界無盡藏四常寂光者觀
經疏云常即法身寂即解脫光即般若若此以不
遷不變名常離有離無名寂照俗照真名光亦
名果報如文句云同居有餘自體皆是妙色妙
心果報之處記云故知三土皆是證道色心報
處寂光既徧遮那亦徧此以妙色妙心果報也
問如輔行云今論感報不論寂光據此寂光豈
各果報乎答所云寂光非果報者三惑究盡業
報都亡所以寂光身土亡泯雖無感業之報而
為願行之果淨名疏云修於圓教願行之因因
極果滿道成妙覺居常寂光問如垂裕云中下

○并義下
初傳用

亦名理

三能亦

亦名聖

寂光攝在果報不審四十一地生實報土云何
得受寂光名邪答淨名疏云前四十一地若約
果報名生實報分見真理名常寂光又彼記云
約報論生是故有邊論於果報約以入邊則非
果報但所入邊即是見真名常寂光三辨義此
約教門辨四土義復開五門初論體用寂光是
體餘三屬用如釋籤云諸佛寂理神無方所所
依寂境号常寂光是故沙石七珍隨生所感又
輔行云常寂光土清淨法身無所莊嚴無能莊
嚴為眾生故而取三土二論事理淨名疏云寂
光是理餘三是事此乃對分事理若各分事理
如淨名疏云諸土非垢寂光非淨畢竟無說此
理俱而說諸土為垢寂光為淨記云理論不當若
之與淨約事唯有寂光永淨三論能所荆溪記
云但以寂光而為所成即以三土而為能成故
所成惟一能成有三是則能所專別故也四論

細釋七

四十一

十對聖
橫以五

九聖準雜編云十界對土有橫有豎若豎對者
同居六九方便二乘實報菩薩寂光佛界縱豎
若橫敵對同居有十九聖同居故方便有四無
六九故實報有二無二乘故寂光唯一無菩薩
故經論五論淨穢淨名疏云諸土為垢寂光為
淨三惑覆蔽故為垢三德究顯故為淨卅約四
土對論若各分者觀經疏云五濁輕重同居淨
穢妙宗釋云此淨甚通須知別意如戒善者四
教九位皆悉能令五濁輕薄而圓觀輕濁感同
居淨依正最淨如此經說地觀已去一一相狀
比於餘經修衆善行感安養土其相天殊雜編
乃云嘗觀鼓音之外六經上相其實是一縱有
依報大小不同此蓋如來善權赴機隨時之義
也良由九夫心想羸劣未能觀大故方便示小
為發觀之境若生彼土所見俱大今難言川既
多偏行安獲勝果非獨彰行人之偶報抑亦顯

淨者有

世尊之妄說因果不類徒虛語耳二體析巧拙
有餘淨穢判正記云通人體色即空故巧藏入
析色明空故拙妙宗云體觀感淨不專通入行
門三教對三藏拙俱明休法通但空體別次第
體圓不次體三人生彼俱感淨相圓人最淨又
往生記引輔行云次明休法依門修觀亦應具
含三種四門三次第顯入實報淨穢判正云別
入漸修次第三觀登地入實以之為穢圓人顯
修一心三觀登住入實以之為淨妙宗云若論
實證此土唯有圓聖所居別人初地證與圓同
辨實感報有何優降今就教道十地不融致使
感土異於圓人雜編覆取謂偏成非次第顯入
者即別圓所修巧拙二觀也實報淨穢者即地
住所見融礙二相也良由別人久習次第雖回
向圓修入地之時仍見一分染礙之色名之為
穢圓人始終唯修顯行入住之時但見此土融

雜編

五十一

三

方便三道
實報三道

通之相。号之為淨。往生記破約教道說。則見神智。自違輔行義學之者。當思審矣。四分證究竟寂光淨穢妙宗鈔云。若就別人同證圓實論寂光者。唯約真因對圓極果。而分淨穢。今論教道。詮於極果。但斷無明。一十二品。寂光猶穢。圓知須斷。四十二品。名究竟淨。往生記云。今約分滿相對。故合中下。但名分證。寂光猶穢。妙覺上品。真常究滿。方為極淨。請觀今文。諸佛如來。所遊居處。極為淨土。豈非分得究竟寂光。正約圓家。真因極果。對分淨穢。四明云。別教教道深不可也。刊正記云。由分證寂光。方生實報。今約分證。猶帶無明。無明故穢。究竟無明已盡。故淨。雜編難云。若爾。則成穢屬實報。淨屬寂光。今謂無明分破。證少分無相。故穢。無明全盡。證究竟無相。故淨。四定體先達。通以三道。為下三土。當體之體。引輔行云。分段三道。謂見思惑。為煩惱道。煩

方便三道

實報三道

惱潤業。為業道。感界內生。為苦道。方便三道。謂塵沙惑。為煩惱道。以無漏業。名為業道。變易生死。名為苦道。實報三道。謂無明惑。為煩惱道。非漏。非無漏業。為業道。波土變易。名為苦道。通以三德。為所依體。苦道即法身。結業即解脫。煩惱即菩提。先師乃謂。感業是因。苦道是果。今之土體。三世間中。唯取苦道。為國土。一千當體之體。還以三德。為所依體。故荆溪云。既許法身徧一切處。報應未嘗離於法身。若寂光土。觀經既約四德。釋名。當以三德。為土。當體理無所存。徧在於事。乃以三土。為所依體。廣慈法師。準妙樂云。本有四德。為所依。修德四德。為能依。遂指修德。三因為當體。性德三法。為所依。今謂妙樂。因釋下方空中菩薩。所以將身表智。以空表土。故明身土。今唯辨土。安得兼身。况將修得。以對理土。乃彰能所。義顯剎矣。五示相。此約教門。示四土

示相下

相初示一異相。娑婆安養。垢淨相別。故名異。方便有餘。純清淨境。故名一淨。名疏云。三乘同。以無言說道。發真無漏。所感國土。一性相同。故言一也。二示融礙相。方便雖是一相。無明未破。界伴備別。淨名疏云。染淨有餘。二種衆生。見有障礙。別圓地住。分破無明。依正互融。一多相印。故名融也。三示橫豎相。舊釋橫豎。句義紛雜。惑亂學者。今分二義。決然易解。初就土自分。如妙法云。若分別而言。謂方便在三界外。若分別而言。謂實報在方便外。例此分別。謂寂光在實報外。故淨名記問。三土之外。何殊太虛。答。徧同理別。言理別者。法身即土。離身無土。離土無身。但真如實相。非智非境。說智說境。非身非土。說身說土。約此分別。義當豎矣。若約相即。如妙樂云。豈離伽耶。別求常寂。非寂光外。別有娑婆淨名記云。橫解者。如前所引法華經文。祇於此土。而觀

上二。故小彼斥。見淨不驚。足指按地。即其事也。約此相。即義屬橫焉。若約相攝。淨名記云。既一土攝一切土。故得此界徧攝下二。準此。以勝攝劣。土亦橫矣。二與教對分。妙樂記云。橫論土體。與教相當。豎論約土用。教多少。然其豎論。如此觀云。若以四諦豎對諸土。有增有減。同居有四。方便則三。實報則二。寂光但一。輔行釋曰。豎約設教對機。機既增減不同。致使教有差別。四土對教。優劣多少。故名爲豎。此則土相雖豎。教乃橫說。故淨名記云。然約橫論同居具四。餘三漸減。同居機雜。遂設四教。方便但以大乘訓。令修學理。唯別圓蓋爲稟。三藏者。始生方便。未習適門。逗其爲知。故學遂談通教。以蕩執情。實報約行。證道同圓。但約有餘用。教之時。教道化機。說別異圓。具用二教。方牛實報。寂光上品。不須用教。但被中下。故有同乘。設教之相。雖橫。就土自

常光者
無相

分成豎若約相即所居橫具四土體相與四教
旨論其相當三藏談於生滅乃與同居無常相
當通教談乎幻化即空乃與方便證真相當別
教從事受名乃與實報感果相當圓教談乎性
德乃與寂光理體相當橫辨四教無復優劣故
名橫矣四示有無相妙宗云經論中言寂光無
相乃是已盡染礙之相非如太虛空無一物良
由三惑究竟清淨則依正色心究竟明顯故大
經云因滅是色獲得常色受想行識亦復如是
仁王稱爲法性五陰亦是法華世間相常六品
色香無非中道是則名爲究竟樂邦究竟金寶
究竟華池究竟瓊樹又復此就捨穢究盡取淨
窮源故苦域等判屬三障樂邦金寶以爲寂光
若就淨穢平等而談則以究竟苦域泥沙而爲
寂光此之二說但順悉檀無不圓極又淨覺撰
雜編云且常寂光者實三德之妙性也離爲三

法合成一性一尚無一豈有苦樂華胎之相乎
當知無相之言其語猶略具足須云無相不相
所謂無生死相不涅槃相強而名之稱曰實相
今議二師所論與而言之若依說示分別如昔
賢觀示寂光土乃以四德釋三德法故祖師判
寂光是理餘三是事約此就說分別淨覺乃合
分別之義若約相即所依理無所存編在於事
故維摩疏問別有寂光土邪答不然祇分段變
易即常寂光四明乃合相即之義棄而言之分
別但解三土之外別有寂光而迷寂光亦徧三
土遂執寂光空空然誠不異乎太虛故吾無取
焉然淨覺雜編難四明云今問此依正色心爲
體爲用若言休者且妙玄明休用權實中云休
即實相無有差別用即立一切法差降不同妙
樂指淨緣爲一切法豈非實體亦無淨相若言
用者則依正色心正下三土事何得認爲寂

光之理邪今謂如指要云夫體用之名本相即
之義故九言諸法即理者全用即體方可言即
輔行云即者爾雅云合也若依此釋仍似二物
相合其理猶跡今以義求體不二故故名爲即
今謂全體之用方名不二故釋迦之王娑婆即
毘盧之處常寂故文句云同居有餘有體皆是
妙色妙心果報之處荆溪釋云寂光既徧遮那
亦徧此皆事理相即之明文云何撥事別求理
邪雜編又問他引妙經疏云常即常德寂即樂
德光即我淨是爲四德秘密之藏妙樂云本有
四德爲所依修德四德爲能依能所並有能依
之身依於能所依之士二義齊等方是毘盧
遮那身土之相以此爲證寂光有相不亦可乎
答此人但聞身土之名便作形相而解而不知
四德爲是何物又云須了遮那本無身土隨順
世間疆指妙覺極智爲身如如法界之理爲士

若消妙樂之文應云本有四德者理也修德四
德者智也能所並有能依之身所依之士者謂
性德之理爲所依本覺之智爲能依又修德之
理爲所依始覺之智爲能依修性雖殊詎存萬
有之境始本雖二寧留五陰之形故維摩疏云
法身即土離身無土離土無身今謂此釋九有
二非一能所不辨妙樂因釋下方空中菩薩遂
以菩薩之身以表能依之修德以虛空土以表
所依之性德安得唯釋所表修性全棄能表身
士乎二修性不即他以性德之理爲所依本覺
之智爲能依修德之理爲所依始覺之智爲能
依今謂本覺望修俱屬乎性修理望性俱屬於
修依其所解則成以性泯性以修會修非修性
之不二焉當云全性起修故所依之士即能依
之身寂光是應身全修在性故能依之身即所
依之士應身是寂光方顯身土之齊等乃見事

理之無別矣。又云若謂寂光無相，使同偏真，猶如太虛者，則由不知大小二理，智非智別也。如維摩疏云：大來法性，即是真寂智性，不同二來偏真之理。今問寂光法身，既俱無相，真寂智性為依何法？既彰智性之無依，顯非卓識之明鑒也。雜編又云：若據三身相，即四土互具，必須身身即三土土具，四若然者，法身寂土豈得無相耶？通曰：今為子論四土互具之義，若約事理相對論，互具者寂具三土，乃全體起用，無相而相也。三土具寂，乃全用是體，相即無相也。今問全用是體，可得無相全體起用，應云有相，那得一繁言無相耶？雜編又云：問若三相不可混同者，何故？荆溪難云：一一塵刹一刹，耶答此指刹性徧收，故云一切如金鉞，即狹徧義，狹何以徧狹，即性故。又如芥容須彌，芥何以容芥，亦性故。此文但見事即是理，不見理即是事，理不即事。

此是師
理具不云
相事

安得芥納須彌，無傷樹木，毛吞巨海，不撓龍魚乎？雜編又云：若無依正之相，則理無所具，事無所存，豈可法身便同灰滅，芥小乘無相，猶如太虛無生法之理。大乘無相，譬若明鏡，具現像之性，像由形對，鏡匪自殊，無謂鏡具像性，便云性已差別。今謂若言但具於性，不具於相，觀音玄義安云：千種性相，冥伏在心，又不二門云：理即名字觀行，已有依正不二之相。嗚呼！雲川雖留意于山家，但解修性之相依，未達事理之融即達法示徒後，嗣絕矣。六對身淨名疏云：前二是應，即應佛所居，良以王宮誕質，鶴樹潛神，現國現法，性身機興，應息應息，前異娑婆通佛，灰斷既非果報，但各勝應，第三亦報，亦應即報佛所居，以他受用稱實，感報赴於地住，菩薩大機，故彼土佛亦名應也。後一但是真淨，非應。

對身下

解感下

非報法身所居此約土體橫對四佛若豎論土
九聖同居具現四身方便唯勝故無劣應其實
報土無二乘人唯別圓佛寂光無機獨妙法身
七解感者或曰維摩經云欲得淨土當淨其心
隨其心淨即佛土淨心如形聲土如影響祇須
自淨其心何假別求淨土若初言心淨應辨理
事一者性淨二者事淨且性淨者大集經云一
切眾生心性本淨心本淨故煩惱諸結不能染
著猶如虛空此則眾生國土同一法性地獄天
宮俱為淨土二事淨者性雖本淨心乃忽迷一
念不覺二障久翳當修三觀以破三惑故仁王
曰三賢十聖住果報唯佛一人居淨土登妙覺
果方究竟淨最下凡夫慎勿叨盪次云土淨須
曉難易婆沙論云於此世界修道有二一者難
行在於五濁惡世於無量佛時求阿鞞跋致甚
難可得此難無數塵沙說不可盡△十疑論明

五種難事○二易行道謂信佛語教念佛三昧
願生淨土乘阿彌陀佛願力攝持決定往生名
易行道此七義門辨諸佛土縱數逾地塵皆理
同鏡象舒雖萬化橫陳卷實一法不立編至此
時六十四歲辛未未昏得書
小字絕筆自慶遂述頌曰

梵語星分難徧求

列篇舉要會羣流

摠持三藏如觀掌

顯望後賢為續周

翻譯名義集卷第七

Blank page with faint bleed-through from the reverse side.

淨妙蓮寺

惟心

Blank page with a rectangular border and faint bleed-through from the reverse side.

Vertical text on the right edge of the page, likely a page number or title fragment.

